

Info

per persunas d'instrucziun, meinascolas e cussegls da scola

AVS
USS
USPS



Schulinspektorat
Inspecturat da scola
Ispettorato scolastico



Nr. 2 2023/24

Part generala

Giesta nera dalla CDEP (EDK)

La conferenza dils directurs cantunals dall'educaziun publica (CDEP) meina ina giesta dallas persunas d'instrucziun, dallas qualas l'autorisaziun d'instruir ei veginida retratga. La giesta nera possibilitescha allas autoritads da scola da controliar, sch'ina persuna d'instrucziun ei veginida privada da l'autorisaziun d'instruir el rom d'ina procedura cantunala. Per ch'ina retratga dall'autorisaziun d'instruir sappi veginir examinada el cantun Grischun, ei il departament d'educaziun, cultura e protecziun digl ambient (DECA) dependents dall'anunzia dallas persunas d'instrucziun correspondentes entras las autoritads da scola. Ultra da quei annunzia la procura publica dil Grischun da niev al DECA proceduras penales relevantas e decisiuns finalas dalla procedura, per ch'ina eventuala retratga sappi veginir examinada entras il departament.

CDEP: Formaziun da persunas d'instrucziun



Dus mieds d'instrucziun per il scalem sec I

La regenza ha approbau l'elaboraziun da documents da basa pil mied d'instrucziun "Schauplatz Ethik 7–9" per talian. Lura ha la regenza dau glisch verda per translatar il mied online per il rom orientaziun professiunala "Profolio" en sursilvan. Igli ei previu d'estender ils mieds d'instrucziun en cass da basegns era sin las otras regiuns linguisticas.

Mediomatix

La pagina d'internet della retscha da mieds d'instrucziun "Mediomatix" ei veginida concepida cumplettamein da niev. Suenter l'elecziun digl idiom san veginir consultadas online las survestas dils cuntegns dils singuls toms sco era ils cuntegns dalla "Grammatica da scola". La pagina d'internet iubescha da niev era d'integrar exercezis online. Quels veginan elaborai en in emprem pass enteifer il project "Mediomatix

Surmiran" e pli tard probablamein era realisai per ils ulteriurs idioms. Actualmein stattan a disposiziun 15 exercezis egli idiom surmiran per la 3. classa. Naturalmein anflan ins vinavon sin la pagina d'internet las indicaziuns davart la retratga dils mieds d'instrucziun sco er davart l'utilisaziun dils e-books e davart il support.

Pagina d'internet Mediomatix



Encuretg plazs da praticum

La Scola aulta da pedagogia dil Grischun (SAPGR) crescha. 650 plazzas da praticum drova ei per studentas e students dalla SAPGR mo per igli onn 2023. La qualitat dalla scolaziun dependa specialmein dalla qualitat dallas persunas d'instrucziun dalla pratica. Omisduas varts san profitar: Las studentas ed ils students emprendan dallas persunas d'instrucziun cun experientscha. Las scolas san involver studentas e students talentai già baul en lur team. Las direczions dallas scolas ein supplicadas d'annunziar persunas d'instrucziun adattadas directamein al menader dalla pratica professiunala, signur Men Gustin.

Adressa da contact Men Gustin



Admissiun da scolaras e scolars dall'Ucraina ellas scolas medias

Las cundiziuns d'admissiun da scolaras e scolars ucraines cun status da protecziun S allas scolas medias ein sclaridas. Ina recepziun cun ademplir certas prescripcziuns ei pusseivla. Informaziuns pli detagliadas en caussa dat in fegl d'informaziun elaboraus digl uffeci per la formaziun media-superiura.

Fegl d'informaziun: Scolaras e scolars dall'Ucraina en scolas medias grischunas



Promoziun dalla formaziun da medias en scola

La formaziun da medias ei oz in'incumbensa indispensabla da mintga scola. Per las personas d'instrucziun e per las direcziuns da scola mutta quei ina confruntaziun activa: Co vegnan medias digitalas duvradas a moda nizzeivla en l'instrucziun e tgei pusseivladads seresultan ordlunder? Tgei mutta quei en connex cun la rolla dalla persona d'instrucziun? "Giuventetgna e medias", la plattaforma naziunala per la promoziun dalla cumpentenza da medias, porscha numerus cuntegns per concepir l'instrucziun cun medias digitalas a moda raschuneivla.

[Formaziun da medias – sfidas per la scola](#)



Survesta tematicas tier medias digitalas



UNESCO – patrimoni mundial en Svizra

Ina nova pagina d'internet interactiva muossa ils loghens dil patrimoni mundial dalla UNESCO en Svizra sco loghens d'emprender ordeifer la scola - per l'emprema gada sin ina suletta plattaforma. La formaziun el patrimoni mundial ei ina formaziun d'emprender cun tgau, cor e maun. Sin la nova plattaforma da formaziun, ch'ei accessibla gratuitamein, se-tracti da monuments da natira e cultura ils pli unics en Svizra. La pagina d'internet porscha denter auter ina gronda schelta da viadis da scola, da visetas guidadas u d'jamnas da project. Era il material d'instrucziun per integrar l'ierta mundiala ell'instrucziun da scola gioga ina rolla impurtonta. La plattaforma s'orientescha als ciclus dil plan d'instrucziun 21 e vegn accumpagnada permanentamein da novs cuntegns captivonts.

[Patrimoni "nossa tiara"](#)



Emprem Poetry Slam Contest dil Grischun per giuvenils

Igl onn 2024 stat sut l'enzenna dil giubileum da «500 onns Stadi liber dallas Treis Ligias». Cun quella caschun vegn l'istoria da nies cantun messa en plaids, raquintada ord perspectiva da giuvenils, messa alla glisch – purtada sin tribuna! Cun la fuorma artistica moderna della Slam Poetry. Giuvenils pon s'annunziar per quei project captivont. A caschun da workshops da dus dis en gl'entir cantun vegnan scolaras e scolars cussegliai e trenai dil poet da slam, autur e cabarettist grischun Jachen Wehrli per lura esser fits per la tribuna. Separticepi! Nus supplichein Vus sco personas d'instrucziun da render attents Vossas scolaras e Vos scolars al contest e da discutiar en classa la publicaziun cun ellas e cun els.



[Video d'explicaziun cun dapli infurmaziuns](#)

Tgira da dents en scola dil Grischun

La tgira da dents el mintgadi da scola ei ina clav per promover la sanadad da tut nos affons da scola. La tgira da dents en scola ha gia contonschiu resultats remarcabels: Il caries ei sereducius tier ils affons da scola dalla Svizra per 90% dapi l'introducziun dil concept dalla tgira da dents en scola. El rom da quell'istoria da success ei vegniu fatg quarter gadas ad onn en mintga scola "exercezis da lavar dents". Las personas d'instrucziun fuorman in petga impurtonta da

quei concept che sebas sin in'ordinaziun cantunala. Ils dents sauns e la sanadad da nossas scolaras e da nos scolars vegnan cheutras promovi.

[Newsletter Scolas \(scrollar tochen giudem\)](#)



Per cumiau

Avon precis vegn onns ei l'emprema INFO per personas d'instrucziun, per direcziuns da scola e per autoritads da scola vegnida tarmessa en tut las scolas popularas dil cantun. Dapi lu ein 142 ulteriuras circularas suandadas. Las tematicas da scola actualas cun ulteriur material da profundaziun en tut ils lungatgs da scola han pertuccau tut ils scalems da scola.

Jeu engraziel a miu team per siu grond engaschi en favur dalla scola populara grischuna e per il grond sustegn che jeu hai astgau retscheiver sco menader digl inspectorat da scola duront quei liung temps sin tut ils camps d'activitat ed el rom da numerus projects da scola cantunals.

Jeu giavischel a tut las personas d'instrucziun, allas direcziuns da scola ed allas autoritads da scola bia plascher e success enten sviluppar vinavon lur scola, aschia che nos affons e giuvenils possien caminar lur via dalla veta cun fidonza, perschuasiun e curascha. Engraziel.

Salids amicabels

Chantal Marti-Müller

Menadra USS

Andrea Caviezel

Menader inspectorat da scola

Part regiunala

Acziun da pacs per l'Europa digl ost

Era uonn organisescha Jacqueline Pfister quella impurtonta acziun. Culs scolarAs dat ei era la pusseivladad da tractar en quei connex tematicas sco engrazievladad, veta meins privilegida, empatia, pusseivladad da girar e.a.v.

[Infos tier J. Pfister \(078 639 60 09\) ni sut il link](#)



Termins

Occurrenza per cussegls da scola digl atun 2023

L'occurrenza ha liug ell'aula dalla casa da scola a Glion: 22-11-2023 allas 19.30 uras. Il mail cun la pusseivladad da s'annunziar ei vegnius tarmess a tut las commembras / ils commembers dil cussegli da scola.

Giudicament d'admissiun 2024

Decisiun d'admissiun provisoria: 26-01-2024

Decisiun d'admissiun definitiva: 15-04-2024

Examen da recuors cantunal: 28/29-05-2024



Inspectorat da scola Surselva

Alexi Nay, Vigeli Jacomet